

Ч. 22. (57.) Крыница, четверг дня 13. червня (31. мая) 1935. Рок II.



Орган Лемковского Союза.

Выходит в каждый четверг.

Редакция и администрация в Крыниці. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Также просиме присылати членскы вклады до Лемко-Союза.



Пренумерата в краю:

30 грошей місячно,

80 „ квартално

1-50 „ полрочно,

3 зл. рочно.

В Америкы: 1 дол. рочно.

В Чехословакии:

2 кор. місячно, 10 кор. полрочно,

20 кор. рочно.

Контото чековое Нр. 404.155.

Ци буде ліпше.

Ци буде у нас даколи ліпше? Килькож то раз чуеме тот запрос в розмовах с нашима людьми, особливо в послідных часах, коли то біда наравду пхат ся до нас штотраз нахальнійше.

Штобы одержати отвіт на тот запрос, треба доконче уявити собі, як тота біда загнузила ся. Она не повстала отраз, але от килькох літ бывало так, што каждый слідуючий рок был планший от попередного. Початково люды вірили, же таке явленє не може тревати долго, уважали єго за переходяче и не уміли отраз примінити свои выдаткы до поменшенных приходов, в послідстві чого часто затягали долги в той мысли, же скоро часы знова поправят ся и они потрафят легко отдати долг и дополнити недостаткы в господарстві. Тымчасом часы не лем не поправляют ся, але як уж сказано, — каждый слідуючий рок приносить нову біду. Люды называют тото явленє ошибочно крызом, однак слово крыза означат пересилєне, т. є. стан річей, попереджающий зворот ку доброму або злему — стан неправильный, опасный, грозящий злыма послідствами, а у нас тепер біда не єст чимси переходячим, але она розгостила ся у нас на добре и совсем не мыслит от нас уйти. И наравду, ніт што надіяти ся, же котрого красного рана впаде с неба манна, або перелетит даякий аероплян и розсыпле по вшитких селах злотяшкы. Того напевно не буде и біды так легко позбыти ся не потрафиме. Біду можеме выгнати лем поволи так, як она поволи до нас лізла, — выженеме ю лем тяжкым, мозолистым и безпрерывным трудом, причом мусиме доконче перемінити наш способ господарованя.

Як жили давно люды.

Стары люды памятают ище тоты часы, коли гроши были барз дороги и коли о тот грош было трудно. В тых часах господары однак не попадали в біду, бо они старали ся о тото, штобы так одєджу, як и обув робити вдома и не выдавати грошей. Ходили адже в ногавках и кошельях, в холошнях,

гунях и чугах зроблєных вдома, жены также шили собі одєджу с домашнего полотна и так господар выдавал гроши лем на податок, соль и нафту, а поза тым обходил ся господарчима продуктами. Погодивше вчасі войны гроши барз подешевіли и каждая газдыня, котрой хлоп был на войні, мала тых грошей полны скрині. А же тоты гроши тратили на вартости с каждым дньом — треба их было як найскорше выдати и втотчас то люды научили ся купувати ріжны потребны и непотребны річи, лем бодай позбыти ся грошей, котры уж слідуючого дня могли не мати жадной вартости. Таким способом поднес ся уровень вымагань у людей и пак, хоц часы ставали ся штотраз тяжши людям трудно было отвыкнути робити выдаткы. Трудно єст им тым больше, бо переконали ся, же в светрі робота иде зручнійше, як в гуні и же єст в нем и теплійше и легче; тому зашмарили гуні и начали купувати одєджу легчу.

Ніт в том нич злого, лем треба конечно так якоси устроити ся, жебы и тот светер не купувати, лем зробити собі єго самому.

Каждый с нас знає, же найтеплійший и наймоцнійший єст светер волняный. Такой светер и тепер коштує ище от 15 до 20 зл. а тымчасом коли єго зробиме вдома у себе он не буде больше кошовати, як 2 до 3 зл.

Фарбярско-трыкотарский курс в Крыниці.

Переконали ся о том тоты, котры были на курсі фарбярско-трыкотарском, устроєном Лемко-Союзом в Крыниці-Селі. На том курсі научили ся курсанты вырабяти с овечой-волны ріжны выробы волняны трыкотарским способом. Волну (білу) купували, пряли, фарбовали на ріжны кольоры и с ней вырабляли прекрасны річи, як светры с рукавами и камизельковы, пончо, рукавичкы, шалі и т. п.

Оказало ся, же светры зроблєны с волны — овец т. зв. фризийских, котры начинают уж и у нас ховати, не уступают в ничом свет-

рам фабричным, а противно, сут тревальши и теплійши. Выроблєны с ниток волняных, зафарбованых хемично, не тратят кольору в праню. Материял на одєн такой светер (волна разом с фарбом) коштує 2 до 3 зл., а штобы єго зробити, потреба 2 до 3 дней часу. Можна аджеж мати знова приодіву дешево и добру, треба лем научити ся тых выробов. Наука оплатит ся напевно, бо можна вырабяти тоты річи и на продаж и добре на них заробити. Збыт на трыкотарскы выробы найде ся все, бо товариства нартярскы закупят każde количество и добре заплатят. Лемко-Союз хоче и може уряджати такы курсы по цілой Лемковщині, всяди там, где найде ся поміщенє для курса и где зголосит ся на курс найменше 20 людей.

Кромі того Лемко-Союз намірят урядити на терені Лемковщины ряд курсов выправы овечих скор, шитя кожухов и ткацтва. Села, котры хотіли бы, штобы у них такы курсы устроєно, нехай донесут о том наміреню администрации газеты „Лемко” в Крыниці с поданєм числа курсантов и термина, в котром хотіли бы распочати курс.

Уряджанє таких курсов уважат Лемко-Союз за річ користну и потребну, бо настали наново такы часы, где господар мусит жити так, як жили давно люды, — мусит научити ся перебяти свои господарчи продукты в ціли заспокоєня своих потреб, штобы таким способом выдавати якнайменше того гроша, о котрый єст тепер так трудно. Лем далеко посуненом ошадностью и мозолистым постоянным трудом можеме поволи позбыти ся біды и увеличити доходы с нашего господарства.

Сейм и Сенат отдали честь памяти Маршала Пилсудского.

На день 6. червня т. р. скликано до Варшавы обі законодательны Палаты на незвычайну сесию в ціли ухваленя закона: 1) о выборі Президента Р. П., 2) ордынации выборчой до Сейма и 3) ордынации выборчой до Сената.

Перше засіданє обох Палат было посвячене отданю чести памяти Маршала Пилсуд-

ского. По промові маршалков Палат, завзяваючою до преклонення голов перед духом покійного Маршала, послы и сенаторы встали со своих місц и молчанєм отдали честь Его памяти.

Участь руского населеня в державной жалобі.

По случаю смерти Маршала Пилсудского председатель Лемко-Союза д-р Орест Гнатышак переслал от имени Лемко-Союза на руки Министра Вн. Діл г-на Зыдрам Косцялковского телеграму с выразами горячего сочувствия по случаю кончины Великого Вождя Польши.

Собрание невычайне жалобне засідане правления Лемко-Союза, посвячене отданю чести памяти Покойного, рішило прийняти участь в похоронных торжествах в Кракові и выбрало делегацию в особах: председателя д-ра Гнатышака и заступника председателя д-ра Сьокалы.

От имени Р.Н.О. во Львові выслал сочувствительну телеграму председатель Р. Н. О. г. С. Малец, а Руско-Селянска Организация во Львові через делегацию, зложену с г.г.председателя А. Гуллы, М. Цебынского, О. Луцыка и Ю. Плешкевича, выразила воєводи львовскому от имени руского населеня в Галичині сочувствие по случаю кончины Маршала Пилсудского.

Правления всіх русских обществ зарядили жалобны засіданя, посвячены памяти Покойного.

На всіх русских общественных поміщенях вывішено жалобны хоругви.

Делегации галицкых русских организации приняли участь в похоронах в Кракові.

Знищене и смерть.

Страшна біда,—трясене землі — яке навістило Белуджистан в Индиях поглотило тисячи людей, розвалило кромі міст Кветто, Ширганур, Калят ище много меньших місточок и сел и в одной хвилині знищило доробок многолітнього труда.

Ціла країна робит тепер впечатліне якогоси страшного цменгера.

Ніт ани одного дома, в котром не згинул бы дакто, погружаючи родину в жалобі.

На залізнодорожній стации в Кветто ураговал ся лем оден чоловік. С шестдесятох почтовых урядников спасло ся лем чотырох.

Місто Калят перестало существовати. Там уж не числят трупов, бо легче почислити жиючих. Одного дня видобыто спод розвалин 3.000 трупов. По неточным обчисленням число убитых выносит 40.000 с того в самом Кветто 26.000.

Ратунок утруднят пожар, який повстал серед розвалин Кветто и Калят. В Калят кромі того с трещин землі, попуканой впоследстві землетрясеня видобыват ся вода, котра заливат ціле місто.

Правдива Содома и Гомора.

Обовязок нищення осетя.

Полевий осет єст буряном килькалітним, доходячим до 1 1/2 м. высоты, с глубокыма до 2 м. розлогыма коренями, котры сут часто сплетены. Квитне от червня до конца серпня и дозріват на луках и коничах разом с травом, а на орных полях разом с хлібом. Оден осет выдає около 5.000 насін, котры килчат барз скоро. Молоды рослины скоро

выдають пучок листков, котры мнимо мертвіють под зиму. Вчас на весну вырастають однак новы гоны и корень розрастат ся скоро. Посідаючи величезну силу розроста гонов и кореней, осет страшно нищит почву. Тому осет треба старанно нищити. Нищенє мусит ити в двох напрямках, а именно:

1) недопущаня до заквітненя оста и дозріваня насін,

2) глубокого вытинаня гонов и кореней, штобы тым способом не допустити до розвитку ся новых рослин.

Перше даст ся зроби́ти через часте кошенє оста на меджах, ровах, пасовисках, неужитках и всяди, где лем можна нищити его квіт, штобы он не выдал насін. Вырастаючи на засіяном хлібом поли малы пучкы осетя треба доконче зараз выполоти, што найлегче зроби́ти зараз по дощі, коли земля єст мягка.

Корені старших остов нищит ся, вытинаючи их лопатками в глубині яких 10 см. в землі. Так подрізаны дають ся легко вытягнути. Нищенє оста дає господарам много работы, але тота робота єст доконче потрібна, бо осет єст так шкодливый, же аж Министерство Рольне, зарядженєм с дня 27. III. 1931. (Дн. У.Р.П. Н-р 4. поз. 368), приказало обовязково нищити осет на своих полях и при дорогах. Тым, котры не хотіли бы нищити осетя на своих полях, грозит кара ареста до 6 неділь і грошева от 10 зл. до 10.000 зл., або одна с тых кар.

Подкормляне пчол.

Весна того року єст сильно припозднена и маме все зимно, слоты и дощи. В таких условиях рослины мало квітнут, а хоцбы аж и квітли, то пчола не може зберати ани перхы ани меду. Период зимушного отдыха у пчол уж давно перешол и пчолы потребуют тепер много корма. Не могучи его найти на квітах, мусят користати с нагромаджених в улях припасов. Пасічник мусит адже добре уважати, ци такы припасы в улю сут, а если их ніт, то треба пчолы подкормити, штобы не терпіти голода.

Треба также памятати о том, же наконец скончит ся студень и могут прити горячи дні, коли рослины будут ся скоро розвивати. В каждой окрестности єст якаси рослина, котра квітне в даном терміні в великом количестві. Если в том часі мухы в улю буде мало, то хоцбы меду на рослинах было незнати як много, пчолы не зберут его дуже, бо слабый пняк зроби́ти того не може.

Тому то пасічник мусит старати ся подкормляне допроводити свои рои до великой силы, бо лем втотчас могут пчолы використати хоцбы и короткий час и назберают много меду.

Як с того видиме, добрый результат с пасікы зависит в великой мірі от самого пасічника. Не сут то зрештом річи трудны. Требуют лем накладу на цукер або мед, за котрый пчолы стократно заплатят.

Розбил ся найбільший самолет світа и згинуло 48 людей.

В субботу 18. мая т. р. мала місце в Москві страшна катастрофа, котрой жертвом пал найбільший самолет світа „Максим Горкій“.

О годині 12.45 „Максим Горкій“ выстартовал с аеродрома московского, забираючи с собою работников и инженеров центрального института авиационного.

Самолет был ескортируемый другим аеропляном меншим, котрым управлял летчик Булагин. Булагин, помимо заказа, начал робити в воздусі ріжны акробатычны леты и при одном с таких ударил он в крыло „Максима Горкія“, котрый распал ся в воздусі.

Люды, находячи ся на самолеті в числі 48 и летчик Булагин, нашли смерть на місци.

Похорон жертв отправлено на кошт державы, а родинам выплачено запомогы и пенсии.

Части розбитого самолета упали на оден дом, котрый запалил ся от того. Двох жителей того дома спалило ся.

„Максим Горкій“ важил 42 тоны и мал радио-стацию и найновіши добычи техничны. Долгота обох крыл выносила 70 метров. Осем моторов могло розвинути силу 6.000 км. Самолет—кольос мог помістити 63 людей. Он был перезначеный до летов ночных и мог каждой хвилі переобразовати ся в бомбомет.

По страті „Максима Горкія“ рішено приступити до будовы двоих таких гигантов.

Глядають скарбы на терені цілой Польши.

Державный Институт геологичный начал недавно глядати скарбы минеральны на терені цілого края.

Научны досліды буде вести 30 инженеров-геологов, котры маю́т розслідити ропны терены в воєводстві келецком, где надыбано сліды руды залізной, сірки и т. д. и на Волини, где выступили сліды міді. Круги научны сподівають ся осягнути добры результаты.

Милион змій

в продолженю пятох літ.

По официальной югославской статистыці, змій в Босні и Герцеговині розмножили ся так страшно, же стали ся правдивом каром Божом.

В продолженю послідных 5-тох літ померло от укушеня змій 780 людей и згинуло 52 тысячи домашних звірат.

В том самом часі убито понад оден миллион змій.

Тестамент слугащой.

В Нью-Йорку згинула недавно под колами автомобиля слугаща, Анна Ирська, родом с Метнова коло Величкы.

При переведеню ревизии в ей дому найдено тестамент, котрый она написала. С тестаментата того довідали ся власти, же Анна Ирська записала цілый свой маєток в сумі 15 тысяч долларов на будову новой школы в своем родном селі. Єст то рідкий случай горячей любви своєго народа, родного села и науки. Кобы таких слугащих было як найбільше.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“

Ш а н у й м е с в о ю ч е с т ь .

Можна бути бідним, але мати глибоке почуття свого достоїнства, своєї чести, бо вдома річ, що само убожество чоловіка не ганьбит, а навпроти ганьбит чоловіка того, якщо не хоче, згідно не уміє сам ушанувати своєї чести.

І чим же одиниці є в даному народі, котрі уміють свою особисту честь оцінити і ушанувати, тим же чести і достоїнства надає той народ, який народ і який тота велика окрема цілість між іншими народами світа.

Не можна сказати, щоб чуттям той чести, того достоїнства ці то особистого, ці народного стояло високо в нашому народі.

Наведу два випадки правдиві, непересадні і неперекручені, лем не подаю на разі імен і назв людей і громад, бо не маю на цілі їх осмішати і ганьбити, а ходити лем о поучення ширшого загала. Обидва випадки мали місце в горлицькому повіті.

Руска Бурса в Горлицях вислала своїх двох делегатів з кіноапаратом, щоб показувати поучительні картини для можливо найширших мас за малом бо 10—15 грошовою оплатою, так щоб з оплати тих покрити кошти подорожі і кошти фільмових картин, як також зібрати пару центів на бурсу, де, як відомо, перебуває убога шкільна молодь.

До таких лекцій треба було можливо просторних салів, щоб яконайменше людей могло бути помістити. Звичайно саль така була в школі і кожен заряд школи саль свою на таку ціль радо давав, і то все даром.

В одному селі школа не мала великої салі, але достатньо велика саль була в громадському домі і саль тота стояла порожня.

Коли делегати бурси звернулися до начальства громадського, щоб дозволило ужити саль на фільмове представлення, громадське начальство зажадало за один вечір заплати за саль 20 злотих, а по довгих і заважних торгах опустило на 10 злотих і тих 10 злотих побрало.

В другому селі представлення відбулося в салі шкільній. Будинок шкільний був барз старий і порохнавий, а лавки шкільні ще щось. Коли ціла маса дітей і старших збиралася ввечері в салі і сиділи, а може і снідали, підвищилися на лавки, сталося так, що сидіння в одній лавці загломося ці розкололося і обито кус шкільний печ.

Управитель школи, поляк, котрий там був і всі тоти „шкоди“ виділяв, знаючи, що лавка тота щось от старости загломила, як от тягару і знаючи, що печ сам себе валив, казав залишити на навітряну тих шкод 2 або 3 злотих, бо усунення тих шкод щось не вийшло і гроші тоти делегати бурси йому залишили, а він тоти шкоди навітряв.

За якийсь два місяці ввійшло до Інспектората Шкільного в Горлицях писмо від місцевого шкільного комітету той же громади, в котрому комітет той доносить, що в школі через поламання лавок і розвалення печі повстала шкода на 68 злотих і треба, щоб квота така від Рускої Бурси стягнути.

По в'ясненню діла Інспекторат Шкільний писмо тото шматив до печі.

Треба ще нам на вистид додати, що обидва села чисто руські, а одне з них православне.

І що сказати о таких людях, о такому громадському начальстві, о такому шкільному комітеті і взагалі о таких громадах.

Мусимо сказати лем одно: такі люди не мають чести, ні особистої, ні народної. Всі знають і аж і найзавзятіший ворог мусить признати, що якщо Руска Бурса вислала двох інтелігентних людей з фільмовим апаратом, котрий коштує парусот злотих, і якщо устроює лекції просвітительні, то ані тоти делегати не роблять на тому жадного інтереса, бо тратають час і здоров'я даром, ані Руска Бурса не робить інтереса, бо якщо і залишилося їй пару злотих чистого доходу, то тото йде на судержання убогої сільської молоді, котра навчається в школах.

Обов'язком кожного чесного чоловіка є такому ділу всіма силами допомогти. І напевно ні тога громада, котра взяла за саль 10 злотих, ні той шкільний комітет, котрий хотів на чисто зискати 68 злотих за вигадані шкоди, грошима тими не збогатили. Не одну десятку іменно таких громадських начальств і таких комітетів розорили і пропали, а громада, яка така, не мала з того користі.

А такі випадки є не лем сумним доказательством морального упадку тих парів одиниць, але є доказательством низької культури і недостатка народної чести цілої громади.

Бо якщо б більшість громади уміла цінити свою народну честь, то таких безчесних людей не вибирало б до громадського начальства, або шкільного комітету.

Культурні патріотичні громади не лем не знесли б такої ганьби, щоб хотіли на народному ідейному ділі зискати, але самі от себе дають почин до того, щоб громада, яка така, причинилася якогось жертвом для підтримання такої інституції, як бурса для бідної шкільної молоді, бо бурса виховує молодь, а молодь то надія і сила народу.



В селі Перегримка, положеному при битій дорозі, ведучій з Ясла до Жмигорода має читальня ім. М. Качковського свої прекрасний одноповерховий будинок, представлений на фотографії. В домі тим знаходиться на поверху красне помешкання, зложено з кухні, 2-х кімнат і веранди, котре заряд читальні надає барз добре на помешкання для літників і на стелю. На долинці склеп, в котрому можна достати всякі товари. Звертати до зглядку читальні ім. М. Качковського в Перегримці пошта Жмигород (Pielgrzymka p. Żmigrod).

Бестияльське вбивство в Щавнику пов. сандецького.

Вночі з дня 6. на 7-го червня закралася до Злочокського коло Мушини якийсь бандит і напав на приходський будинок. Спокошений О. Качмаром, котрий збудився, перешол видно той сам бандит до сусіднього села, Щавника і там напав на бідну єврейську родину. Не допомогли ніякі прохання, ані тото, же єврей віддавав бандиту цілий свій маєток (200 злотих і весь дуган), бо бандит, котрий був без маски, боявся, же може бути розпознаний і щоб уникнути кар, вистрілив і положив трупом єврея. Другий вистріл, даний до єврейки, не убив її на щастя, лем ранив їй в щелепу. Бандит забрав маєток єврея і утік в гори.

Рано, дня 7-го т. м. надіслав якогось драба, вірогідно того самого бандита, лісничий з Верховлі Вел., Дзюбинський і спитав його, що він робить. Бандит відповів щось, а коли Дзюбинський обернувся в сторону, він вийняв браунинг і застрілив його. Дзюбинський осиротів семеро малих дітей. За бандитом пустилася поліція.

ВАЖНЕ ДЛЯ ТИХ, ЩО ЗДАЛИ МАТУРУ.

Ряди молодих людей, котрі хочуть трудитися приємно і пожиточно, мусять докінчити себе з під тираниї передрозсудков, же труд фізичний є планший, як умственна робота.

Кількож то є молодеж здоровий, веселой, рухомий до спорту, подорожей, ремесла, труда на ґрунті і в лісі, котра з трудом навчається, сиділа в так зв. „ослячій лавці“ і аніруш не могла наломити себе до правил грамотних і сиділа по два і три роки в одній класі. С таких учеників виростили часто сильні голови в торгівлі і промислі, найголосніші слави спортивні і помислові винаходці.

Для таких іменно натур, котрі не барз рухливі до латини і грецької, є найотвітніша спеціалізація в області технічній.

Є в Варшаві при ул. Гурчевської Державний Інститут Ручних Робот (Państwowy Instytut Robot Ręcznych) з дволітнім курсом науки. Чесно виносить 170 злотих річно. Інститут дає доброго педагога-техніка і доброго фахмана. До того часу вийшло з того інституту понад 1500 абсолювентів і вшитки достали не лем роботу, але були розривані, бо запотребоване того роду людей перевищило о 100 проц. число абсолювентів (ток).

По укінченню достають вони посади по гімназіях і по школах фахових, як учителі робіт ручних. Достають зараз кусок хліба і мають роботу приємну, пожиточну і люблену через молодеж. Такий учитель уміє сам радити собі в кожному положенні, хочби аж і на безлюдному острові. Потрафит оперувати в дереві, в металі, в глині, напері, полотні. Сам може зробити собі каяк, кухню, одяг, мотоцикл, радіо, горнець, інструмент і куде прикрашене. От металургії до кошикарства—уміє вшитко.

Є то аджек фах милий для того, хто є здоровий і сильний і любить фізичний труд. Але і слабші фізично дають собі ту добре раду, бо управителі того курсу твердять, же є то санаторія для слабших.

Многі студенти приходять до сил і здоров'я помімо того, же роблять вони денно по 8 годин фізично.

Інститут приймає молодеж мужеску і женеску з матурами гімназіальними і семінаріальними. По двох літах практик і зданню екзамена абсолювент достає диплом на учителя робіт в школах середніх і що найважніше—посаду.

МІСЯЧНІ СОБРАННЯ В ЧИТАЛЬНІ В РАДОЦІНІ.

Члени читальні ім. М. Качковского в Радочині устроюють кожного місяця в неділю собрання, на котрых по перечитанню газет, деклямують выучены нарочно на тот день верши, ыголошають рефераты и лекции и дають театральны представленя.

Тоты місячны собрання розбудили рускый народный дух в селі и притягнули до читальні всю молодеж Радочины, котра интересує ся живо всіма проявами руского житя. Читальня тота може служити образцом для других лемковских сел.

ОТКРЫТЄ ЧИТАЛЬНІ В ЯШКОВІ ПОВ. ГОРЛИЦКОГО.

Дня 12. мая т. р. открыто в Яшкові читальню ім. М. Качковского. Вступне слово о значеню читальень выголосил свящ. Ст. Пашкевич с Перунки и предложил выбрать председателем собраня О. Г. Павлишина с Чорного, а секретаром Мих. Жука с Камяны. Місцевый хор под управом О. Минчакевича отспівал вязанку рускых пісень, а о. Павлишин выголосил прекрасну бесіду. Промовляли также Софрон Крыницкий со Снітницы и Вас. Дубец с Флоринки, котры призывали членов читальні до интензивного труда для добра руского народа. В члены читальні вписало ся 35 людей.

Вечером того самого дня аматорский кружок отограл представленє.

НА ПАМЯТНИК О. П. И А. САНДОВИЧАМ В БРУНАРАХ

жертвовали в зл.:

1) И. Д. Мягкий, Дрогобыч—5, 2) о. М. Дуркот, Ольховец—5, 3) о. Е. Венгринович, Мохначка—5, 4) Ал. Гнатышак, Грыбов—5, 5) Н. Гукевич, Варшава—5, 6) А. Вислоцкий, Ганчова—5 и вызыват: дыр. Зах. Станчака с Смерековця, М. Трохановского с Крыницы, о. С. Волянского с Кальникова, Ос. Енкаму с Вороблика кор. и Ос. Байка с Зындрановы; 7) Роман Соболевский, Горлицы—1 и вызыват: Евфр. Соболевску с Устя, Теод. Войтовича с Устя и Іоанну Дуркот со Львова; 8) Петро Фецица, Ганчова—1 и вызыват: Екатор. Гамбаль с Устя, Игнатия Гарагуза и Мих. Вандзиляка с Ганчовы; 9) Мир. Вислоцкий, Горлицы—0.50; 10) Григорий Евусяк, Лосє—3.50 и вызыват: Василя Рогоца и Василя Евусяка с Лося; 11) Мих. Юрковский, Полянка-Кароль—3 и вызыват: М. Васильца со Скаржиска, д-ра Сем. Возняка с Кросна, Феца Гузого с Перегримки и Влад. Тысса со Львова; 12) Теодосий Ядловский, Смерековец 3 и вызыват: Григория Станчака со Смерековца, Стефана Цюрика со Смерековца, Ивана Павликовского со Ждыні, Теодора Вариху со Ждыні, Луку Ванька с Чорного, Ивана Пелеха с Лыпкой, д-ра Я. Сьокача с Горлиц, Дамяна Бубояка с Валпенного и Конст. Бодака с Розділя.

Кто слідкуючий?



Што чути в світі.

Во Франції утворил Ляваль нове правительство. Ляваль обнял начальство нового кабинета и задержал для себе теку министра заграничных діл. Кабинет Ляваля потребує от парламента полномочий в ділі уздоровлення финансового и борбы со спекуляциом.

Німецкий министр Геринг приїх л дня 6. червня до Білграда в Югославии. Геринг был принятый югославским премиєром Евтичом и регентом кн. Павлом, котрый в его честь выдал сніданє. Герингу уділила аудиенции также королева Мария.

Пропаганда гитлеровска в Австрии. Власти полицийны в Відні выкрыли бюро народно-социалист. агенции пресовой, котра выдавала тайно „Illegale korrespondenz“ писмо пропагандове гитлеровске. В звязи с тым арестовано много людей.

В Испании, як відомо, была в осени революция, котру сдушено и проводыров засуджено на тяжкы кары. Група сепаратистов каталонских и партій лівых запротестовала против тому засудови так, же в ночи дня 6. червня с двох тягаровых автомобилей остріяла ідучий трамвай и убила одну женщину. Моторовый, оден пасажер и оден урядник полиции сут тяжко ранены.

В Италии, в провинции Ромагна и Венеция отчутю дост сильне землетрясенє. Серед населеня во Фензі повстала паника. Страты невеликы.

В Ленинграді падал в днях 2 и 3 червня сніг, што єст там в том часі барз рідке.

Німцы заявили, же мусят мати штонайменше 650 тысячну армию.

Над полостровом Кореа перешла страшна буря, котра знищила около 500 домов. Боят ся о судьбу рыбацкых суден, котрых 89 находило ся в том часі на морю. До того часу не вернул ани оден корабель. О одном одержали вість, же затонул разом с обсадом, зложеном з 28 людей.

Договор, заключеный в Штрезі медже Англиом, Франциом и Италиом рве ся, бо Франция не хоче згодити ся на дакотры жаданя Италии в ділі ей конфликта с Абисиниом и Италия начинат переговоры с Германиом, котрой прирекат, же не буде мішати ся, если Германия прилучит до себе Австрию. Таксамо и Англия здраджат охоту ввойти в переговоры с Німеччином. Тото сотворило бы для Франции положенє барз тяжке.

Найдешевше

можно купити сало, солонину, смалец и колбасу у **Носаля** в Крыници-Здрою (давнійше Кметович) напротив торговой галі.

Сало и солена солонина по 1.20 зл.

Смалец и колбаса по 1.40 за 1 кг.

Склепам и кооператывам значный опуст.

Користайте с той небывалой оказии.

ВЫДІЛ РУСКОЙ БУРСЫ В ГОРЛИЦАХ ОГОЛОШУЕ КОНКУРС

на принятє до бурсы на 1935/36 шк. рок учеников народных и середных школ.

Прошенє належит присылати на адрес бурсы: Горлицы, ул. Санкевича 14.

Звертат ся увагу родичам, што новых учеников треба записовати до школ уж тепер, бо вписы лем перед вакациями.

Вісти с краю.

В Грибові отбыл ся в днях 8-го, 9-го и 10-го червня Конгрес Евхарыстичный, в котром принял участь также лемковский Владыка. Владыка отслужил понтыфикальне богослуженє. При Службі Божой співал хор с Крыницы под дырыгентом г-на Ропицкого.

В Новом Санчі отбуде ся дня 15 червня торжественне перенесенє тіла бл. п. министра Бронислава Пєрацкого с городского цмента до пестроєного мавзолея. В том жалобном торжестві возме напевно численну участь лемковске населенє, котрого Покойный был другом и опекуном.

В Кракові арестовано дыректора Польского Т-ва Торговельного Стефана Рейхера, котрый украл 300.000 зл., Стефан Рейхер єст властителем заведеня для нервозно-хворых в Батовицах.

До Варшавы приїхал президент Естонии и замешкал в королевском замку.

Ку всім Лемкам!

Выдавництво руского журнала „Лукошко“ выдаст внет номер, посвяченый специально Лемковщині, ей историчным памятникам, обычаям и фольклору. В той ціли издавництво журнала просит всіх, маючих в своем распоряженю яки нибудь материялы на тоту тему не отказати, передати их до распоряженя редакции. „Лукошко“ специально интересуют лемковскы пісні, приповідкы, народны обычаи, анекдоты, фотографии с видами старинных церквей, хоров, читальень, аматорских кружков и т. д.

Материял по выкористаню буде звернений.

Материял и кореспонденцию адресовати: „Лукошко“, Warszawa—Podwale 17. m. 24.

Просиме другы газеты перепечатати. Выдавництво „Лукошко“.

Лем тепер каждый Лемко
може запенумеровати
одынокый рускый иллюстрированный журнал

„ЛУКОШКО“

котрый выходит двараз місячно
в великом форматі с многыма рисунками и фотографиями.

Для селян—лемков, котры вплатают пренумерату до 15. червня 1935. предплата выносит лем 1.50 зл. за полроку с пересылком и почтом.

Новы предплатники достають и тоты вшиткы номера, што уж вышли с друку.

Пренумерату адресовати:

Warszawa, Podwale 17, m. 24. „Łukoszko“.

Лукошко выходит по рускы.